



玉函山房輯佚書

七十五

□ 11
1236
75



1236
75



伏侯古今注一卷後漢伏無忌撰無忌琅邪東武人
湛五世孫傳其家學官至侍中屯騎校尉後漢書本
傳云永和元年詔無忌與議郎黃景校定中書五經
諸子百家藝術元嘉中桓帝詔無忌黃景崔寔等共
撰漢紀又自采集古今刪著事要號曰伏侯古今注
章懷太子注云其書上自黃帝下盡漢質帝爲八卷
隋志八卷著錄雜史類唐志入雜家與崔豹古今注
相次云三卷今佚從後漢書注及北堂書鈔藝文類
聚初學記開元占經白孔六帖太平御覽等書採輯

成卷多言符瑞災異而於漢諸帝名諱山陵為詳崔氏古今注蓋仿於此隋志崔書入雜家此書入雜史不若唐志之允蒐補殘缺可與崔書競美云歷城馬國翰竹吾甫

[Faded bleed-through text from the reverse side of the page]

伏侯古今注

後漢 伏無忌 撰

世祖光武皇帝諱秀

八字據本紀補後並同

秀之字曰茂伯仲

叔季兄弟之次長兄伯升次仲叔故字文叔焉

後漢書光

武帝紀章懷太子注

顯宗孝明帝諱莊莊之字曰嚴

後漢書明帝紀注

肅宗孝章帝諱烜烜之字曰著

後漢書章帝紀注

孝和皇帝諱肇肇之字曰始肇音兆

後漢書和帝紀注

孝殤皇帝諱隆隆之字曰盛

後漢書殤帝紀注

恭宗孝安皇帝諱祐祐之字曰福後漢書安帝紀注

孝順皇帝諱保保之字曰守後漢書順帝紀注

孝沖皇帝諱炳炳之字曰明後漢書沖帝紀注

孝質皇帝諱續續之字曰繼後漢書質帝紀注

孝桓皇帝諱志志之字曰意後漢書桓帝紀注

孝靈皇帝諱宏宏之字曰人後漢書靈帝紀注

光武原陵山方三百二十三步高六丈六尺垣四出

司馬門寢殿鍾虞皆在周垣內隄封田十二頃五十

七畝八十五步後漢書禮儀志下劉昭注

明帝顯節陵山方三百步高八丈無周垣為行馬四

出司馬門石殿鍾虞在行馬內寢殿園省在東園寺

吏舍在殿北隄封田七十四頃五畝

章帝敬陵山方三百步高六丈三尺無周垣為行馬

四出司馬門石殿鍾虞在行馬內寢殿園省在東園

寺舍在殿北隄封田二十五頃五十五畝

和帝慎陵山方三百八十步高十丈無周垣為行馬

四出司馬門石殿鍾虞在行馬內寢殿園省在東園

寺吏舍在殿北隄封田三十一頃二十畝二百步

殤帝康陵山周二百八步高五丈五尺行馬四出司

馬門寢殿鍾虞在行馬中因寢殿為廟園吏寺舍在

殿北隄封田十三頃十九畝二百五十步

安帝恭陵山周二百六十步高十五丈無周垣為行

馬四出司馬門石殿鍾虞在司馬內寢殿園吏舍在

殿北隄封田一十四頃五十六畝

順帝憲陵山方三百步高八丈四尺無周垣為行馬

四出司馬門石殿鍾虞在司馬門內寢殿園省寺吏

舍在殿東隄封田十八頃十九畝三十步

冲帝懷陵山方百八十三步高四丈六尺為寢殿行

馬四出園寺吏舍在殿東隄封田五頃八十畝

質帝靜陵山方百三十六步高五丈五尺為行馬四

出門寢鍾虞在行馬中園寺吏舍在殿北隄封田十

二頃五十四畝因寢為廟

並同上

永平元年六月乙卯初令百官驅牒白幕皆霜

後漢書祭

禮志劉昭注

故孝武廟於雒陽校官立之

建武十八年七月使中郎將耿遵治皇祖舊廬稻田

大侯古今注

三 鄉燈館補校

建武二十一年二月乙酉徙立社稷上東門內

元和三年初為郡國立稷及祠社靈星禮器並同上

建武六年九月丙戌月犯太微西藩十一月辛亥月犯軒轅七月庚子土入鬼中漢史鎮星逆行輿鬼女主貴親有憂巫咸曰有土功事是歲太白經太微八年四月辛未月犯房第二星光芒不見九年四月乙卯金犯婁南星甲子月犯軒轅第二星壬寅犯心火星七月戊辰月並犯昴黃帝星占土犯鬼皇后有憂失亡其勢河圖月犯房天子有憂四足之蟲多死漢

史曰其國有憂將軍死又案嚴光傳光與帝臥足加帝腹上太史奏客星犯帝坐甚急十年正月壬戌月犯心後星閏月庚辰火入輿鬼過軫北庚申月在斗赤如丹十二年正月丁丑月乘軒轅大星二月辛亥月入氐暈珥圍角亢房其年七月丁丑月犯昴頭兩星八月辛酉水見東方翼分九月甲午火犯輿鬼十月丁卯大星流有光發東井西聲隆隆十三年二月乙卯火犯輿鬼西北黃帝占曰熒惑守輿鬼大人憂一日貴人當之巫咸曰水見翼多火災石氏曰為旱

郝萌占曰流星出東井所之國大水十六年四月土
星逆行十七年乙未火逆行從東門入太微到執法
星東已西南出端門十八年十二月壬戌月犯木星
十九年閏月戊申火逆從氏到亢二十一年七月辛
酉月入畢二十三年三月癸未月食火星郝萌曰熒
惑逆行氏為失火三十一年七月戊申月犯心後星

後漢書天
文志上注

中元元年三月甲寅月犯心後星同上

孝明永平元年閏九月辛未火在太微左執法星所

光芒相及十一月辛未土逆行乘東井北軒轅第二
星二年十二月戊辰月食火星黃帝星經曰出入井
為人主一曰陽爵祿事七年三月庚戌客星光氣二
尺所在太微左執法南端門外凡見七十五日八年
十二月戊子客星出東方九年正月戊申客星出牽
牛長八尺歷斗建箕房過角亢至翼芒東指十年七
月甲寅月犯歲星十一年六月壬辰火犯土星十三
年十一月客星出軒轅四十八日十二月戊午月犯

本星後漢書天
文志中泥

孝章建初元年二月甲申金入斗魁五年二月戊辰
木火俱在參三月戊寅木水在東井六年七月丁酉
夜有流星起軒轅大如拳歷文昌餘氣正白句曲西
如文昌久久乃滅黃帝星經曰木守東井有土功之
事一曰大水邠萌曰歲星守參后當之熒惑守大人
當之同上

孝和永元元年正月辛卯有流星大如拳起參東南
癸卯鎮在參又流星大如桃色赤起太微東蕃石氏
曰鎮守參有土功事二月戊子土在參丙辰星如桃

起天津東至斗黃白頻有光壬戌有流星起天將軍
東北行色黃無光十一月壬申鎮星在東井石氏曰
天下水其火出流殺人二年正月丙寅水在奎土在
東井金在婁木火在昴三月甲子火在亢南端門第
一星南乙亥金在東井四月丁丑火在氏東南星東
南五年正月甲戌月乘歲星六年六月丁亥金在東
井閏月己丑流星大如桃起參北西至參肩南稍有
光八年九月辛丑夜有流星大如拳起婁十一年六
月庚辰月入畢中十三年正月辛未水乘輿鬼十二

月癸巳犯軒轅大星十四年正月乙卯月犯軒轅在太微中二月十日丁酉水入太微西門十一月丁丑有流星大如拳起北斗魁中北至闕道稍有光色赤黃須臾西北有雷聲同上

孝殤帝延平元年七月甲申月在南斗中

孝安永初二年四月乙亥月入南斗魁中八月己亥熒惑出入太微端門三月壬寅熒惑入輿鬼中五月丙寅太白入畢中石氏經曰太白守畢國多淫刑也四年二月丙寅月犯軒轅大星

延光元年四月丙午太白晝見四年四月甲辰太白入輿鬼中

孝順永建元年二月甲午客星入太微五月甲子月入斗二年二月丁巳月犯心七月丁酉犯昴其年九月戊寅有白氣廣二尺長十餘丈從北落師門南至斗三年二月癸未月犯心後星六月甲子太白晝見四年二月癸丑月犯心後星五年閏月庚子太白晝見六年彗星出於斗牽牛滅於虛危虛危為齊牽牛吳越故海賊浮於會稽山賊捷於濟南五年夏熒惑

守氏諸侯有斬者是冬班始腰斬馬市

陽嘉二年四月壬寅太白晝見五月癸巳又晝見十

一月辛未又晝見十二月壬寅月犯太白三年十二

月辛未太白晝見四月乙卯太白熒惑入輿鬼

永和元年五月丁卯太犯牽牛大星二年九月壬午

月入畢口中三年六月己酉熒惑入太微十二月丁

卯月犯軒轅大星六年五月庚寅太白晝見十一月

甲午太白晝見

漢安元年二月壬午歲星在太微中八月癸丑月犯

南斗火魁中二年五月丙辰月入斗中

建康元年九月己亥太白晝見韓楊占曰天下有喪

一曰有白衣之會

孝質本初元年三月丁丑月入南斗並同上

光武建武六年九月大雨連月苗稼更生鼠巢樹上

十七年雒陽暴雨壞民廬舍壓殺人傷害禾稼後漢書五

行志一注 白孔六帖 卷六引光武至樹上

章帝建初五年東海魯國東平山陽濟陰陳留民訛

言相驚有賊捕至京師民皆入城也後漢書五行志一注

建武三年七月雒陽大旱帝至南郊求雨即日雨建
 武六年六月九年春十二年五月二十一年六月明
 帝永平元年五月八年冬十一年八月十五年八月
 十八年三月並旱建初二年夏雒陽旱四年夏元和
 元年春並旱永元二年郡國十四旱十五年丹陽郡
 國二十二並旱或傷稼安帝永初元年郡國八旱分
 遣議郎請雨永初三年郡國八旱四年五年夏並旱
 建光元年郡國四旱延光元年郡國五並旱傷稼本
 初元年二月京師旱

同上

建武六年十二月雒陽市火二十四年正月戊子雷
 雨霹靂火燒高廟北門明帝永平元年六月己亥桂
 陽見火飛來燒城寺章帝建初元年十二月北宮火
 燒壽安宮殿延及右掖門元和三年六月丙午雷雨
 火燒北宮朱爵西闕永初元年十二月河南郡縣火
 燒殺百五人二年河南郡又失火燒五百八十四人
 順帝永建三年河南郡國守宮失火燒宮藏所物盡
 四年河南郡縣失火燒人六畜陽嘉元年十二月河
 南郡國火燒廬舍殺人也永和六年十二月雒陽酒

市失火燒肆殺人漢安元年三月甲午雒陽火或從室屋間物中不知所起數日乃止十二月雒陽失火

後漢書五行志二注

和帝永元七年三月江夏縣民舍柱生兩枝其一長尺五寸分爲八枝其一長尺六寸分爲五枝皆青也

建武九年六郡八縣鼠食稼並同上

光武建武四年東郡以北傷水七年六月戊辰雒水盛溢至津城門帝自行水宏農都尉治折爲水所漂殺民溺傷稼壞廬舍二十四年六月丙申沛國睢水

逆流一日一夜止章帝建初八年六月癸巳東昏城

下池水變赤如血後漢書五行志三注安帝延平六年河東水

化爲血元初元年潁川襄城流水化爲血不流同上

平御覽卷五十九引多安帝二句流水化爲血下多不流二字

光武建武十年十月戊辰樂浪上谷雨雹傷稼十二年河南平陽雨雹大如杯壞敗吏民廬舍十五年十二月乙卯鉅鹿雨雹傷稼永平三年八月郡國十二雨雹傷稼十年郡國十八或雨雹蝗安帝元初四年樂安雹如杆殺人順帝永建三年郡國十二雨雹傷

伏侯古今注

十 娜媛館補校

秋稼

後漢書五行志三注

光武建武十年遼東冬雷草木實章帝建初四年五月戊寅穎陰石從天墜大如鐵鑕色黑始下時聲如雷明帝七年十月丙子越巂雷順帝永和四年四月戊午雷震擊高祖世祖廟外槐樹

建武二十二年三月京師郡國十九蝗二十三年京師郡國十八大蝗旱草木盡二十八年三月郡國入十蝗二十九年四月武威酒泉清河京兆魏郡宏農蝗三十年六月郡國十二大蝗三十一年郡國大蝗

中元元年三月郡國十六大蝗永平四年十二月酒

泉大蝗從塞外入永初六年三月郡國四十八蝗並同

上

光武建武十三年揚徐部大疾疫會稽江左甚二十

六年郡國七大疫

後漢書五行志五注

建武元年正月庚午朔日有蝕之即更始三年四年五月乙卯晦日有蝕之九年七月丁酉十一年六月癸丑十二月辛亥並日有蝕之二十六年二月戊子日有蝕之盡中元四年八月丙寅時加未日有蝕之

大宋古今注

十一 鄭媛館補校

五年二月乙未朔日有蝕之京師候者不覺河南尹

郡國三十一上六年六月庚寅晦日有蝕之時雒陽

候者不見十三年閏八月甲辰晦日有蝕之

案後漢書作十三年十月注引古今注曰閏八月元和元年九月己未日有蝕之永

初三年三月日有蝕之元初六年十二月戊午朔日

有蝕之星盡見

後漢書五行志六注

光武建武七年四月丙寅時日加卯西面東面有抱

須臾成暈中有兩鉤在南北有白虹貫暈在西北南

面有背在景加已背解也章帝建初元年正月壬申

白虹貫日五年七月甲寅夜白虹出乙丑地西北曲

入七年四月丙寅日加卯西面有抱須臾成暈有白

虹貫日殤帝延平元年六月丁未日暈上有半暈暈

中外有僞背兩珥十二月丙寅日暈在重中有背僞

順帝永建二年正月戊午一虹貫日三年正月丁酉

日有白虹交暈中六年正月丁卯日暈兩珥白虹貫

珥中永和六年正月己卯暈兩珥中赤外青白虹貫

暈中

建武八年三月庚子夜月暈五重入紫微青黃似虹

有黑氣如雲月星不見丙夜乃解中元元年十一月

甲辰日中星齒往往入並同上

成帝建始三年七月夜有黃白氣長十餘丈明照地

或曰天裂或曰天劍太平御覽卷二

成帝建始四年無雲而風天雷如擊鼓音可四五刻

隆隆如車聲太平御覽卷十三

元帝竟寧元年大霧樹皆白太平御覽卷十五

元和二年甘露降河南後漢書班固傳章懷太子注

光武建武二十年甘露下日南朱梧積四十五日歐陽

陶藝文類聚 卷九十八

武帝征和四年大雪松柏皆折虞世南北堂書鈔卷一百五十二

永平十年作常山呼陀河蒲吾渠通漕船也後漢書郡國志注

春陵建武十八年使中郎將耿弇築城

枯縱山赤眉立盆子於鄭北在此山下

永平十年置益州西部都尉治嵩唐鎮尉哀牢人樸

榆蠻夷

代郡建武二十七年七月屬幽州並同上

宣帝地節元年上都沙中夜風有火如粟太平御覽卷七十四

元和二年芝生沛如人冠大坐狀後漢書注有建初大坐狀三字

五年芝生潁川常以六月中生一葉五歲五重春夏

紫秋白冬黑十月後黃氣出土五寸藝文類聚卷八十九後漢書

班固傳注引上四句

孝哀帝元嘉元年芝生後庭木蘭樹上藝文類聚卷八十九

武帝建元四年天雨粟宣帝地節三年長安雨黑粟

竟寧元年南陽山都縣雨粟色青味苦大者如小豆

小者如麻子藝文類聚卷八十五

宣帝元康四年雨黑黍粟和帝元興元年黑黍穗一

禾二實或三四實生任城得粟三斗八升以薦宗廟

同上：徐堅初學記卷二十七引和帝元興元年黑黍米二實生任城餘司

和帝元年嘉禾生濟陰城陽一莖九穗安帝延光二

年嘉禾生九真一百五六十本七百六十八穗藝文類聚

卷八十五

宣帝元康四年南陽雨豆同上

孝平帝元年武陵縣生瓜花如蔥花紫色實如小麥

墮地復生初學記卷二十八

昭帝丹鳳三年馮翊人獻桐枝長六尺九枝枝一葉

也同上 藝文類聚卷八十八引作馮翊獻桐長六尺九枝三葉也

秦二世時丞相趙高用事乃先獻蒲脯北堂書鈔卷一百四十五

元帝永平四年東萊郡東半山有野蠶為繭繭生蛾

蛾生即即著石收得萬餘石民以為蠶絮藝文類聚卷六十五

漢惠帝五年七月黃鵠集蕭池藝文類聚卷九十一 太平御覽卷九百

十六 白孔六帖卷九十五

所謂赤鳥者朱鳥也御覽無所 謂二字其所居高遠日中三

足鳥之精降而生三足鳥何以三足陽數奇也是以

有虞至孝三足集其庭曾參鋤瓜三足集其冠藝文類聚

卷九十二 太平御覽卷九百二十 葛洪抱朴子引赤鳥者三句 初學記卷二十六引曾參二句

成帝河平四年白鳥集孝文廟殿下黑鳥從之日中

無光者日中鳥也日中鳥若去即天下鳥去也白孔帖

卷九十四章帝元和二年三足鳥集沛國代郡高柳烏子

生三足大如雞色赤頭上有角長寸餘和帝元興元

年白鳥一見廬江足皆赤藝文類聚卷九十九 太平御覽卷九百二十引無

章帝至長寸餘

孝哀帝初元三年泰疇殿中有雀五色頭有冠長寸

餘大似雀始到時鳥環其旁藝文類聚卷九十九

平帝元始三年濟南鳩生白子藝文類聚卷九十九引古今注太平御

覽卷九百二十作崔豹古今注今崔書無此節

元和二年北海得一角獸大如麕有角在耳間端有

肉元和二年麒麟見陳一角端如蔥葉色赤黃後漢書班固傳

注

元和三年白虎見彭城同上

明帝永平九年藝文類聚卷九十九作永平中三角鹿出江陵兩角間有

道家七星符其相名字鄉里年月在焉遂斷射獵白

六帖卷九十七藝文類聚卷九十五初學記卷二十九太平御覽卷九百六並引上二句

孝和帝永元十二年藝文類聚卷九十九作永元中豫章餘于得白鹿高

丈六寸藝文類聚卷九十五太平御覽卷九百六

章帝元和二年白狐九尾見信都藝文類聚卷九十九

哀帝白孔六帖有建平元年山陽得白兔其目赤如

朱藝文類聚卷九十九初學記卷二十九

光武建武元年山陽有小蟲類人形甚衆明日皆懸

樹枝而死乃大蟻也太平御覽卷九百四十七

高祖五年黃龍見華陽池十餘日九年又見長安五
 鳳四年黃龍出廣漢甘露元年黃龍見新豐二年龍
 見上郡騰躍五色升天丞相以下上壽章帝建初三
 年黃龍見汝南項氏田廬中長五丈餘高二丈光耀
 廬舍及樹皆黃藝文類聚卷九十八建初五年有八黃龍見于
 零陵後漢書班固傳注哀帝永元十年黃龍見潁川定陵民
 家井中色黃目如鏡又見巴郡宕渠草木色皆黃藝文類聚卷九十八

類聚卷九十八

章章建初七年玉珪出宏農華陰

藝文類聚卷八十二

章帝元和元年明珠出館陶大如李有光耀三年明
 珠出豫章海底大如雞子圍四寸八分和帝永元五
 年鬱林降人得大珠圍五寸七分初學記卷二十七
 章帝章和中銅酒爵出河內泌水太平御覽卷七百六十

蔣子萬機論一卷魏蔣濟撰濟有郊並議已著錄此書作於文帝踐祚之初取尚書一日二日萬機之義也魏志本傳云濟上萬機論帝善之隋志八卷唐志十卷並列雜家今佚輯錄得一十六節書中講肄禮服評騭人物兼言兵陣之事魏畧載桓範嘗撮抄漢書中諸雜事自以意斟酌之名世要論以示濟濟不肯視今觀遺篇其亦世要之儔乎歷城馬國翰竹吾甫

蔣子萬機論

魏 蔣濟 撰

許子將衰貶不平以拔樊子昭而抑許文休劉曄曰
 子昭發自賈豎年至耳順退能守靜進能不苟濟答
 曰子昭誠自長幼完潔然觀其聿齒牙樹頰胾吐唇
 吻自非文休敵也蜀志龐統傳裴松之注 太平御覽卷三百六十七引脫齒胾吐唇
吻五字 聿作搖
 許文休者大較廊廟器也而子將貶之若實不貴之
 是不明也誠令知之蓋善人也蜀志許廉孫簡 伊秦傳評注

蔣子萬機論

一 鄰煥館補校

夫土地者百姓之所蹈也殊無兩形之政矣而談者

疆謂之異體也虞世南北堂書鈔卷一百五十七

魚麗鵝鸛之陣進退有節北堂書鈔卷一百十七引下云案古有破陣樂舞圖

左圖右方先偏後整魚麗鵝鸛箕張翼舒交錯屈伸首尾迴顧以象戰陣之形

莊周婦死而歌曰御覽曰通性命者以卑及尊死生

不掉周不可論也夫象見子皮無遠近必泣周何忍

哉徐堅初學記卷二十九太平御覽卷八百九十

禮記嫂叔無服誤據小功章娣姒婦此三字嫂服之文也古者有省文互體言弟及兄並婦矣娣姒者兄

弟之妻相名也蓋云夫之昆弟昆弟之妻相與皆小

功者尚書何晏太常夏侯泰初難曰夫嫂叔宜服誠

自有形然小功章娣姒婦為嫂叔文則恐未是也禮

之正名母婦異義今取弟於姒婦之句以為夫之昆

弟雖省文互體恐未有及此者也凡男女之相服也

非有骨肉之親則有尊卑之敬受重之報今嫂叔同

班並列無父子之降則非所謂尊卑也他族之女則

非所謂骨肉也是以古人謂之無名者豈謂其無嫂

叔之字或無所與為體也夫有名者皆禮與至尊為

體而交與正名同接也有其體有其交故以其名名之故服之可也苟無斯義其服焉依夫嫂叔之交有男女之別故絕其親授禁其通問家人之中男女宜別未有若嫂叔之至者也彼無尊卑之至敬故交接不可不疎彼無骨肉之不殊故交疎而無服情亦微矣答日記云小功無位是委巷之禮也子思哭嫂有位蓋謂知禮制禮者小功當有位也然則嫂叔服文統見於經而明之可謂微而著婉而成章也杜佑通典卷九

二十

許文休東渡江乃在障氣之南

文選劉孝標廣絕交論李善注

黃帝之初養性愛民不好戰伐而四帝各以方色稱號交其謀之邊城日警介冑不釋黃帝歎曰夫君危于上民不不字據安于下主失于國其臣再嫁厥病

之由非養寇耶今處民萌之士而四盜亢衡遞震於

師於是遂即營壘以滅四帝向令黃帝若不龍驤虎

變而與俗同道則其民臣亦嫁于四帝矣

太平御覽七十九

北堂書鈔卷十三引黃帝威四盜一句○羅泌路史後紀卷五引作帝焦然歎曰朕之過淫矣君危于上者民不安于下主失其國者其臣再嫁迭震于師下有何以哉乃正四軍七字滅四帝下有而

蔣子夷幾論

三嬖嬖館補校

字餘同

項羽若聽范增之策則平步取天下也太平御覽九十七

知兵之將國之衡主民之司命古者重之後世無逮

焉呂望雖知孫武雖曉樂毅雖賢白起雖武夫齊之

朽骨吳之糜骸燕之消幣秦之腐肉豈可舖其糟粕

復得生而使之哉固當出我民之最擇其知勇之長

者用其術略也太平御覽二百七十三

雖有百萬之師臨時吞敵在將也同

士有一殍而倒戟義所驅也太平御覽三百五十三

語曰兩目不相為視昔吳有二人其評王者一人曰

好一人曰醜久之不決二人各曰爾可來入吾目中

則好醜分矣王有定形二人察之有得失非苟相反

眼睛異耳太平御覽三百六十六引蔣子

聖不獨立智不獨治神武之主亦須佐輔太平御覽四百一

太史遷曰顏回雖篤行不遇仲尼不能彰其名也故

五尺之童德擬大舜使在他門未或及此也夫甘羅

少回六歲獲河東五城萬乘郊迎而佩印雖所宏非

道義然當秦之時染詐變之風也使羅在孔門治某

之訓亦可聞一知十乎曰未必也昔齊欲伐魯回求

說陳常而孔子不許遂使子貢子貢一出破齊強晉

亡吳霸越存魯也夫顏子與賜程智比才相校於八

至於此事而某不使也

太平御覽四
百四十七

猛虎不處卑勢鷲鳥不立垂枝也

太平御覽八百九
十一〇又四百九

十引末句作勁
鷹不立垂枝

夫虎之爲獸水牛之爲畜殆其兵矣夫虎爪牙既鋒

膽力無伍至於卽豕也卑俯而下之必有扼喉之獲

夫水牛不便速角又喬竦然處郊之野朋遊屯行部

隊相伍及其寢宿因陣反禦若見兕虎抵角牛希兕

害矣若用兵恃疆必鑿於虎居弱必誠水牛可謂攻

取屠城而守必能全者也

太平御覽二
百七十一

篤論一卷魏杜恕撰恕有體論已著錄是編隋唐志
並列雜家云四卷今佚馬總意林引凡五節其第三
節見魏志本傳諫用廉昭疏其第二節言考課亦與
本傳論考課一疏似爲同時語因者傳稱恕奏議論
駁皆可觀隋志無恕集知所爲奏議論駁統在篤論
傳又稱其議論亢直此篤論之所繇名也茲據補錄
並以他疏附著俾全篇可讀至意林末載二節乃後
人敘述之詞別爲附錄不使與正文相混又探得御
覽數節其與宋瓘書詳具裴松之三國志注所引杜

氏新書並據校定合錄一卷夫當時慷慨激言盡情
 無隱卒以口舌招禍幾於不免亢而有悔似未合危
 行言孫之義然而凜凜生氣鬱勃千秋讀其文雖選
 悞者亦思自立則其學從可識矣舊以著論非一列
 雜家類今取次體論之後改入儒家從其大段以要
 之也歷城馬國翰竹吾甫

篤論

魏 杜恕 撰

水性勝火分之以釜甑則火強而水弱人性勝志分

之以利欲則志強而性弱

馬總意
林卷五

攷實性行莫過于鄉閭校才選能莫善于對策

同上

用不盡其人雖才且無益所存非所務所務非世要
 上疏曰書稱明試以功三考黜陟誠帝王之盛制使
 有能者當其官有功者受其祿譬猶鳥獲之舉千鈞
 良樂之選驥足也雖歷六代而考績之法不著關七

篤論

一 嫗媛館補校

聖而課試之文不垂臣誠以爲其法可粗依其詳難備舉故也語曰世有亂人而無亂法若使法可專任則唐虞可不須稷契之佐殷周無貴伊呂之輔矣今奏考功者陳周漢之法爲綴京房之本旨可謂明考課之要矣於以崇揖讓之風興濟濟之治臣以爲未盡善也其欲使州郡考士必由四科皆有事効然後察舉試辟公府爲親民長吏轉以功次補郡守者或就增秩賜爵此最考課之急務也臣以爲便當顯其身用其言使具爲課州郡之法法具施行立必信之

賞施必行之罰至於公卿又內職大臣亦當俱以其職考課之也古之三公坐而論道內職六臣納言補闕無善不紀無過不舉且天下至大萬機至衆誠非一明所能徧照故君爲元首臣爲股肱明其一體相須而成也是以古人稱廊廟之材非一木之枝帝王之業非一士之略由是言之焉有大臣守職辨課可以致雍熙者哉且布衣之交猶有務信誓而蹈水火感知已而披肝膽徇聲名而立節義者況於束帶立朝致位卿相所務者非特匹夫之信所感者非徒知

已之惠所徇者豈聲名而已乎諸蒙寵祿受重任者
 不徒欲舉明主於唐虞之上而已身亦欲副稷契之
 列是以古人不患於念治之心不盡患於自任之意
 不足此誠人主使之然也唐虞之君委任稷契夔龍
 而責成功及其罪也殛鯀而放四凶今大臣親奉明
 詔給事目下其有夙夜在公恪勤特立當官不撓貴
 勢執平不阿所私危言危行以處朝廷者自明主所
 察也若尸祿以為高拱嘿以為智當官苟在於免負
 立朝不忘於容身絜行遜言以處朝廷者亦明主所

察也誠使容身保位無放退之辜而盡節在公抱見
 疑之勢公義不修而私議成俗雖仲尼為謀猶不能
 盡一才又況於世俗之人乎今之學者師商韓而上
 法術競以儒家為迂濶不周世用此最風俗之流弊
 創業者之所致慎也魏志杜恕傳云時又大議考課
 之制以考內外恕以為用不盡
 其人上疏云云案此與意林所載攷實四語
 以下節例之是一篇中語取以類次補錄
 又上疏曰伏見尚書郎廉昭奏左丞曹璠以罰當關
 不依詔坐判問又云諸當坐者別奏尚書令陳矯自
 奏不敢辭罰亦不敢以處重為恭意至懇惻臣竊愍

然爲朝廷惜之夫聖人不擇世而興不易民而治然而生必有賢智之佐者蓋進之以道師之以禮故也古之帝王之所以能輔世長民者莫不遠得百姓之權心近盡羣臣之智力誠使今朝任職之臣皆天下之選而不能盡其力不可謂能使人若非天下之選亦不可謂能官人陛下憂勞萬機或親燈火而庶事不康刑禁日弛豈非股肱不稱之明效歟原其所由非獨臣有不盡忠亦主有不能使百里奚愚於虞而智於秦豫讓苟容中行而著節智伯斯則古人之明

驗矣今臣言一朝皆不忠是誣一朝也然其事類可推而得陛下感帑藏之不充實而軍事未息至乃斷四時之賦衣薄御府之私穀帥由聖意舉朝稱明與聞政事密勿大臣寧有懇懇憂此者乎騎都尉王才幸樂人孟思所爲不法振動京都而其罪狀發於小吏公卿大臣初無一言自陛下踐阼以來司隸校尉御史中丞寧有舉綱維以督姦宄使朝廷肅然者耶若陛下以爲今世無良才朝廷乏賢佐豈可追望櫻契之遐蹤坐待來世之儁父乎

意林載此爲五句云陛下謂以今世無良

才朝廷乏賢佐豈可追前世之稷契坐待後來之俊又可能治乎今之所謂賢者盡有大官而享厚祿矣然而奉上之節未立向公之心不一者委任之責不專而俗多忌諱故也臣以爲忠臣不必親親臣不必忠何者以其居無嫌之地而事得自盡也今有疏者毀人不實其所毀而必曰私報所憎譽人不實其所譽而必曰私愛所親左右或因之以進憎愛之說非獨毀譽有之損益亦皆有嫌陛下當思所以闡廣朝臣之心篤厲有道之節使之自同古人望與竹帛耳反使如廉昭者擾亂其間臣懼

大臣遂將容身保位坐觀得失爲來世戒也昔周公戒魯侯曰無使大臣怨何不以不言聲愚明皆當世用也堯數舜之功稱去四凶不言大小有罪則去也今者朝臣不自以爲不能以陛下爲不任也不自以爲不智以陛下爲不問也陛下何不遵周公之所以用大舜之所以去使侍中尙書坐則侍幄帷行則從華輦親對詔問所陳必達則羣臣之行能否皆可得而知忠能者進闇劣者退誰敢依違而不自盡以陛下之聖明親與羣臣論議政事使羣臣入得自進人

自以爲親人思所以報賢愚能否在陛下之所用以此治事何事不辦以此建功何功不成每有軍事詔書常曰誰當憂此者邪吾當自憂耳近詔又曰憂公忘私者必不然但先公後私卽自辨也伏讀明詔乃知聖恩究盡下情然亦怪陛下不知其本而憂其末也人之能否實有本性雖臣亦以爲朝臣不盡稱職也明主之用人也使能者不敢遺其力而不能者不得處非其任選舉非其人未必爲有罪也舉朝共容非其人乃爲怪耳陛下知其不盡力也而代之憂其

職知其不能也而教之治其事豈徒主勞而臣逸哉雖聖賢並世終不能以此爲治也陛下又慮臺閣禁令之不密人事請屬之不絕聽伊尹作迎客出入之制選司徒更惡吏以守寺門威禁由之實未得爲禁之本也昔漢安帝時少府竇嘉辟廷尉郭舉無罪之兄子猶見舉奏章劾紛紛近司隸校尉孔羨辟大將軍狂悖之弟而有司嘿爾望風希指甚於受屬選舉不以實人事之大者也嘉有親戚之寵躬非社稷重臣猶尙如此以今況古陛下自不督必行之罰以絕

阿黨之原耳伊尹之制與惡吏守門非治世之具也使臣之言少蒙察納何患於姦不削滅而養若昭等乎夫糾擿姦宄忠事也然而世憎小人行之者以其不顧道理而苟求容進也若陛下不復考其終始必以違眾迕世爲奉公密行白人爲盡節焉有通人大才而更不能爲此邪誠願道理而弗爲耳使天下皆背道而趨利則人主之所最病者陛下將何樂焉胡不絕其萌乎夫先意承旨以求容美率皆天下淺薄無行義者其意務在於適人主之心而已非欲治天

下安百姓也陛下何不試變業而示之彼豈執其所守以違聖意哉夫人臣得人主之心安業也處尊顯之官榮事也食千鍾之祿厚實也人臣雖愚未有不樂此而喜于迂者也迫於道自彊耳誠以爲陛下當憐而佑之少委任焉如何反錄昭等傾側之意而忽若人者乎今者外有伺隙之寇內有貧曠之民陛下當大計天下之損益政事之得失誠不可以忘也

本傳載全疏意林於篤論載五句卽疏中語也據補

上疏曰帝王之道莫尚乎安民安民之術在於豐財

豐財者務本而節用也方今二賊未滅戎車亟駕此自熊虎之士展力之秋也然搢紳之儒橫加榮慕益腕抗論以孫吳爲首州郡牧守咸共忽恤民之術修將率之事農桑之民競干戈之業不可謂務本帑藏歲虛而制度歲廣民力歲衰而賦役歲興不可謂節用今大魏奄有十州之地而承喪亂之弊計其戶口不如往昔一州之民然而二方僭逆北虜未賓三邊邁難繞天略市所以統一州之民經營九州之地其爲艱難譬策羸馬以取道里豈可不加意愛惜其力

哉以武皇帝之節儉府藏充實猶不能十州擁兵郡且二十也今荆揚青徐幽并雍涼緣邊諸州皆有兵矣其所恃內充府庫外制四夷者推充豫司冀而已臣前以州郡典兵則專心軍功不勤民事宜別置將守以盡治理之務而陛下復以冀州寵秩呂昭冀州戶口最多田多墾闢又有桑棗之饒國家徵求之府誠不當復任以兵事也若以北方當須鎮守自可專置大將以鎮安之計所置吏士之費與兼官無覺然昭於人才尙復易中朝苟乏人兼才者勢不獨多以

此推之知國家以人擇官不為官擇人也官得其人則政平訟理政平故民富實訟理故囹圄空虛陛下踐阼天下斷獄百數十人歲歲增多至五百餘人矣民不益多法不益峻以此推之非政教陵遲牧守不稱之明效歟往年牛死通率天下十能損二麥不牛收秋種未下若二賊游魂於疆場飛芻挽粟千里不及究此之術豈在疆兵乎武士勁卒愈多愈多愈病耳夫天下猶人之體腹心充實四支雖病終無大患今充豫司冀亦天下之腹心也是以愚臣樓樓實願

四州之牧守獨修務本之業以堪四支之重然孤論難持犯欲難成衆怨難積疑似難分故累載不為明主所察凡言此者類皆疏賤疏賤之言實未易聽若使善策必出於親貴固不犯四難以求忠愛此古今之所常患也

魏志本傳 案本傳又云 恕奏議論駁皆可觀掇其切世大事著千篇以意林載篤論語出前疏中則此疏及考課疏皆取篤論據補

與宋瓘書曰況示委曲夫法天下事以善意相待無不致快也以不善意相待無不致嫌隙也而議者言凡人天性皆不善不當待以善意更墮其調中僕得

此輩便欲歸蹈滄海乘桴耳不能自諧在其間也然

以年五十二不見廢棄御覽引作吾年五頗亦遭明

達君子亮其本心御覽脫頗若不見亮使人刳心著

地御覽引作便正與數斤肉相似何足有所明御覽

正數斤肉耳何故終不自解說程征北功名宿著在

僕前甚多有人出征北乎若令下官事無大小咨而

後行則非上司彈繩之意若咨而不從則又非上下

相順之宜故一心任一意直而行之耳殺胡之事天

下謂之是那僕諧也呼為非邪僕自受之無所怨

咨程征北明之亦善不明之亦善諸君子自其為其

心耳不在僕言也太平御覽卷三百七十六引篤論

足有所明也全節文見魏志本

聖人之制刑也非以害民也將以利民也故民從而

安之非以陷民也將以導民也故民從而化之斷一

人之獄而天下義之是安之也斷一人之獄而天下

服之是化之也當於民心合於道理所斷於民者不

行於身公之也太平御覽卷

日給之華與棕相似也棕結實而日給零落虛偽之

吉與真實相似也虛偽敗而真實成太平御覽卷九百七十陸佃

埤雅卷十七引作日給之華似柰柰實而日給虛虛偽之真實相似也

夫萍之浮與菱之浮相似也菱植根萍隨波是以堯

舜歎巧言之亂德仲尼惡紫之奪朱歐陽詢藝文類聚卷八十二

太平御覽卷一千

附錄

杜氏始出帝堯在周為唐杜氏漢有杜周杜欽杜篤

畿字伯侯魏書有傳畿長子理字務仲少而機察故

名曰理少子恕字務伯意林

恕在河東坐卧恒避父住處恕子預字元凱晉書有

傳上

案此二節意林載入篤論與正文相次觀其敘恕

世系及其子預明為後人所附益至言魏書有傳

晉書有傳則又為晉以後人疑七志七錄敘述作

書者之事蹟附在書後故馬氏載入本書也今仍輯取改為附錄庶不淆焉

玉函山房輯佚書目

卷七十四

子編雜家類

鄒子一卷 晉鄒氏

諸葛子一卷 吳諸葛恪

默記一卷 吳張儼

裴氏新言一卷 吳裴元

新義一卷 吳劉廐

秦子一卷 吳秦菁

析言論一卷 晉張顯 古今訓附

時務論一卷 晉楊偉

廣志二卷 晉郭義恭

鄒子一卷撰人缺隋唐志皆不著目馬總意林有鄒
 子一卷在化清經十卷成敗志三卷之間化清經蔡
 洪撰成敗志孫毓撰皆晉人鄒子當亦晉人所撰攷
 晉書文苑傳鄒湛字潤甫南陽新野人太康中為散
 騎常侍國子祭酒轉少府元康末卒所著詩及論事
 議二十五首為時所重此湛有著作之證以時考之
 又與蔡洪孫毓皆在西晉之初故書中叙邢高呂安
 飲市仰天泣目覩其事而論之也其書佚意林引二
 節御覽引四節合錄為帙引者不著其名故止題晉

鄒氏而已歷城馬國翰竹吾甫

七十四卷二

鄒子

晉 鄒氏 撰

欲知其人視其朋友蒺藜在田良苗無所措其根佞

邪在朝忠直無所容其身

馬總意
林卷五

寡門不入宿臨甑不取塵避嫌也

同上

昔邢高呂安飲於市仰天泣二子非有喪之哀傷知

己之晚耳君子所以勤於接賢汲汲於結善欲以立

名者也

太平御覽
卷四百六

博學者所以求為君子也求而不得鮮矣末有不求

而得之者也夫觀書者譬猶登東岳而知邱陵之巽
巘也浮滄海而知江河之不廣也見日月而知衆星
之照微也仰聖人而知衆說之少觀也太平御覽卷
六百十三
珠生於南海玉出於須彌無足而至者人好之也士
有足而不至者以人不歸也太平御覽卷八百五又
卷八百三引上三句而
至下無
者字

董仲舒三年不闕園圃嘗乘馬不覺牝牡朱買臣貧
賤之時孳孳修藝不知雨之流粟志在經傳也太平
御覽
卷八百四十一又卷八百九十一引董仲舒三句曰
上有園字據補又卷六百十一引朱買臣孜孜自

學不知雨
之流粟

諸葛子一卷吳諸葛恪撰恪字元遜琅邪陽都人瑾
長子官至太子太傅吳志有傳隋書經籍志雜家蔣
子萬機論下云梁有諸葛子五卷諸葛恪撰亡唐志
不著錄佚已久北堂書鈔太平御覽引三節攷恪傳
載其與陸遜及弟公安督融二書又諸大臣諫伐魏
著論諭衆意一篇恪無文集當皆採自本書中夫恪
抱才氣而以驕矜致敗陳壽評云若躬行所與陸遜
及弟融之書則悔吝不至何尤禍之有哉蓋惜其人
未嘗不取其言也論旨以及時爲主語意多從叔父

亮出師表化出雖欲必為之辭而持議近正眾人莫敢復難也宜哉歷城馬國翰竹吾甫

[Faint bleed-through text from the reverse side of the page]

諸葛子

吳 諸葛恪 撰

與丞相陸遜書

楊敬叔傳述清論以為方今人物彫盡守德業者不能復幾宜相左右更相輔車上熙國事不相珍惜又疾世俗好相謗毀使已成之器中有損累將進之徒意不歡笑聞此喟然誠獨擊節愚以為君子不求備於一人自孔氏門徒大數三千其見異者七十二人至于子張子路子貢等七十之徒亞聖之德然猶各

者葛子

一 嬭媛館補校

有所短師僻由嗒賜不受命豈況下此而無所闕且仲尼不以數子之不備而引以爲友不以人所短棄其所長也加以當今取士宜寬於往古何者時務從橫而善人單少國家職司常若不充苟令性不邪惡志在陳力便可獎就騁其所任若於小小宜適私行不足皆宜濶畧不足縷責且士誠不可纖論苛克苛克則彼聖賢猶將不全況其出入者邪故曰以道望人則難以人望人則易賢愚可知自漢末以來中國士大夫如許子將輩所以更相謗訕或至於禍原其

本起非爲大讐惟坐克己不能盡如禮而責人專以正義夫己不如禮則人不服責人以正義則人不堪丙不服其行外不堪其責則不得不相怨相怨一生則小人得容其間得容其間則三至之言浸潤之譖紛錯交至雖使至明至親者處之猶難以自定況已爲隙且未能明者乎是故張陳至於血刃蕭朱不終其好本由於此而已夫不舍小過纖微相責久乃至於家戶爲怨一國無復全行之士也

吳志恪本傳

與弟公安督融書

者壽子

二 姆媛館補交

今月十六日乙未大行皇帝交棄萬國羣下大小莫不傷悼至吾父子兄弟並受殊恩非徒凡庸之隸是以悲慟肝心圯裂皇太子以丁酉踐尊號哀喜交并不知所措吾身受顧命輔相幼主竊自揆度才非博陸而受姬公負圖之託懼忝丞相輔漢之效恐損先帝委付之明是以憂慙惶惶所慮萬端且民惡其上動見瞻觀何時易哉今以頑鈍之姿處保輔之位艱多智寡任重謀淺誰爲唇齒近漢之世燕蓋交遣有上官之變以身值此何敢怡豫邪又第所在與賊犬

牙相錯當於今時整頓軍具率厲將士警備過常念出萬死無顧一生以報朝廷無忝爾先又諸將備守各有境界猶恐賊虜聞諱恣睢寇竊邊邑諸曹已別下約勅所部督將不得妄委所戍徑來奔赴雖懷愴但不忍之心公義奪私伯禽服戎若苟違戾非徒小故以親正疏古人明戒也

同上

諭衆意論

夫天無二日土無二王王天不務兼并天下而欲垂祚後世古今未之有也昔戰國之時諸侯自恃兵彊

諸葛子

三 嬖嬖館補校

地廣互有救援謂此足以傳世人莫能危恣情從懷
憚於勞苦使秦得自大遂以并之此既然矣近者劉
景升在荊州有衆十萬財穀如山不及曹操尙微與
之力競坐觀其疆大吞滅諸袁北方都定之後操率
三十萬衆來向荊州當時雖有智者不能復爲畫計
於是景升兒子交臂請降遂爲囚虜凡敵國欲相吞
卽仇讐欲相除也有讐而長之禍不在己則在後人
不可不爲遠慮也昔伍子胥曰越十年生聚十年教
訓二十年之外吳其爲沼乎夫差自恃疆大聞此邈

然是以誅子胥而無備越之心至於臨敗悔之豈有
及乎越小於吳尙爲吳禍況其疆大者邪昔秦但得
關西耳尙以并吞六國今賊皆得秦趙韓魏燕齊九
州之地地悉戎馬之鄉士林之數今以魏比古之秦
土地數倍以吳與蜀比古六國不能半之然今所以
能敵之但以操時兵衆於今適盡而後生者未悉長
大正是賊衰少未盛之時加司馬懿先誅王凌續自
隕斃其子幼弱而專彼大任雖有智計之士未得施
用當今伐之是其厄會聖人急於趨時誠謂今日若

順衆人之情懷偷安之計以爲長江之險可以博世
不論魏之終始而以今日遂輕其後此吾所以長歎
息者也自本以來務在產育今日賊民歲月繁滋但
以尙小未可得用耳若復十數年後其衆必倍於今
而國家勁兵之地者已空盡唯有此見衆可以定事
若不早用之端坐使老復十數年畧當損半而見子
弟數不足言若賊衆一倍而我兵損半雖復使伊管
圖之未可如何今不達遠慮者必以此言爲迂夫禍
難未至而豫憂慮此固衆人之所迂也及於難至然

後顧類雖有智者又不能圖此乃古今所病非獨一
時昔吳始以伍員爲迂故難至而不可救劉景升不
能慮十年之後故無以詒其子孫今恪無具臣之才
而受大吳蕭霍之任智與衆同思不經遠若不及今
日爲國斥境俛仰年老而讐敵更彊欲刎頸謝責寧
有補邪今聞衆人或以百姓尙貧欲務閑息此不知
慮其大危而愛其小勤者也昔漢祖幸已有三秦之
地何不閉關守險以日娛樂空出攻楚身被創瘡介
冒生蟣蝨將士厭困苦豈甘鉅刃而忘安寧哉慮於

長久不得兩存者耳每覽荆邯說公孫述以進取之
圖近見家叔父表陳與賊爭競之計未嘗不喟然歎
息也夙夜反側所慮如此故聊疏愚言以達二三君
子之末若一朝隕歿志畫不立貴令來世知我所憂
可思於後

同上

雜篇佚句

魏基五僞

虞世南北堂書鈔卷十一

鼓洪鑪以燎毛髮傾五岳以壓枯朽

北堂書鈔卷一百十七

若能力兼三大身與馬如膠漆子與箭如飛壘誠宜

寵異

太平御覽卷三百五十一
吳淑事類賦箭賦注

默記一卷吳張儼撰儼字子節吳人官大鴻臚吳志無傳附見三嗣生孫皓傳裴松之注引張勃吳錄隋志雜家傅子百二十卷下注有嘿記三卷吳大鴻臚張儼撰與裴氏新言等並以爲亡唐志復著默記三卷又誓論三十卷今佚唯蜀志諸葛亮傳注載其述佐篇及武侯後出師表一篇初學記亦引一節哀錄爲帖夫儼以吳人能備悉蜀之文獻皓謂儼有出境之才儼自以皇華不辱命爲言允無愧已歷城馬國翰竹吾甫

Blank page with vertical lines for text.

默記

吳 張儼 撰

述佐篇

漢朝傾覆天下崩壞豪傑之士競希神器魏氏跨中
士劉氏據益州竝稱兵海內為世霸王諸葛司馬二
相遭值際會託身盟主或收功於蜀漢或冊名於伊
洛丕備既沒後嗣繼統各受保阿之任輔翼幼主不
負然諾之誠亦一國之宗臣霸王之賢佐也歷前世
以觀近事二相優劣可得而詳也孔明起巴蜀之地

狀已

一 娜嬛館補校

蹈一州之土方之大國其戰士人民蓋有九分之一也而以貢誓大吳抗對北敵至使耕戰有伍刑法整齊提步卒數萬長驅祁山慨然有飲馬河洛之志仲達據天下十倍之地仗兼并之衆據牢城擁精銳無擒敵之意務自保全而已使彼孔明自來自去若此人不可亡終其志意連年運思刻日興謀則涼雍不解甲中國不釋鞏勝負之勢亦已決矣昔子產治鄭諸侯不敢加兵蜀相其近之矣方之司馬不亦優乎或曰兵者凶器戰者危事也有國者不務保安境內綏

靜百姓而好開闢土地征伐天下未爲得計也諸葛丞相誠有匡佐之才然處孤絕之地戰士不滿五萬自可閉關守險君臣無事空勞師旅無歲不征未能進咫尺之地開帝王之基而使國內受其荒殘西土苦其役調魏司馬懿才用兵衆未易可輕量敵而進兵家所慎若丞相必有以策之則未見坦然之勳若無策以裁之則非明哲之謂海內歸向之意也余竊疑焉請聞其說荅曰蓋聞湯以七十里文王以百里之地而有天下皆用征伐而定之揖讓而登王位者

惟舜禹而已今蜀魏為敵戰之國勢不俱王自操備
 時強弱懸殊而備猶出兵陽平禽夏侯淵羽圍襄陽
 將降曹仁生獲于禁當時北邊大小憂懼孟德身出
 南陽樂進徐晃等為救圍不即解故蔣子通言彼時
 有徙許渡河之計會國家襲取南郡羽乃解軍元德
 與操智力多少士眾眾寡用兵行軍之道不可同年
 而語猶能暫以取勝是時又無大吳犄角之勢也今
 仲達之才滅於孔明當時之勢異於曩日元德尚與
 抗衡孔明何以不可出軍而圖敵邪昔樂毅以弱燕

之眾兼從五國之兵長驅強齊下七十餘城今蜀漢
 之卒不少燕軍君臣之接信於樂毅加以國家為唇
 齒之援東西相應首尾如虵形勢重大不比於五國
 之兵也何憚於彼而不可哉夫兵以奇勝制敵以智
 土地廣狹人馬多少未可偏恃也余觀彼治國之體
 當時既肅整遺教在後及其辭意懇切陳進取之圖
 忠謀審審義形於主雖古之管宴何以加之乎

蜀志諸葛

亮傳裴松之注引吳大鴻臚張儼作默記其述位
 篇論亮與司馬宣王書 太平御覽卷四百四十
 五引 略

亮上言曰先帝慮漢賊不兩立王業不偏安故託臣以討賊也以先帝之明量臣之才故知臣伐賊才弱敵強也然不伐賊王業亦亡惟坐待亡孰與伐之是故託臣而弗疑也臣受命之日寢不安席食不甘味思惟北伐宜先入南故五月渡瀘深入不毛并日而食臣非不自惜也顧王業不可得偏全於蜀都故冒危難以奉先帝之遺意也而議者以爲非計今賊適疲於西又務於東兵法乘勞此進趨之時也謹陳其事如左高帝明敎日月謀臣淵深然涉險被創危然

後安今陛下未及高帝謀臣不如良平而欲以長計取勝坐定天下此臣之未解一也劉繇王朗各據州郡論安言計動引聖人羣疑滿腹衆難塞胸今歲不戰明年不征使孫策坐大遂并江東此臣之未解二也曹操智計殊絕於人其用兵也髣髴孫吳然困於南陽險於烏巢危於邴連偏於黎陽幾敗北山殆死潼關然後僞定一時耳况臣才弱而欲以不危而定之此臣之未解三也曹操五攻昌霸不下四越巢湖不成任用李服而李服圖之委夏侯而夏侯敗亡先

帝每稱操為能猶有此失況臣駕下何能必勝此臣之未解四也自臣到漢中中間暮年耳然喪趙雲陽羣馬玉關芝丁立白壽劉郃鄧銅等及曲長屯將七十餘人突將無前寶叟青兗散騎武騎一千餘人此皆數十年之內所糾合四方之精銳非一州之所有若復數年則損三分之二也當何以圖敵此臣之未解五也今民窮兵疲而事不可息事不可息則住與行勞費正等而不及虛圖之欲以一州之地與賊持久此臣之未解六也夫難平者事也昔先帝敗軍於

楚當此時曹操拊手謂天下已定然後先帝東連吳越西取巴蜀舉兵北征蜀侯授首此操之失計而漢事將成也然後吳更違盟關羽毀敗秭歸蹉跌曹丕稱帝凡事如是難可逆見臣鞠躬盡力死而後已至於成敗利鈍非臣之明所能逆覩也

蜀志諸葛亮傳裴松之注引漢

晉春秋載之云此表亮集所無出張儼默記

佚句

漢光武體亞聖之才執文武之略聰明仁德膺時而

出徐堅初學註卷九

狀已

附錄

張惇子純與張儼及異俱童少往見驃騎將軍朱據
 據聞三人才名欲試之告曰老鄙相聞飢渴甚矣夫
 驥馬以迅驟為功鷹隼以輕疾為妙其為吾各賦一
 物然後乃坐儼乃賦犬曰守則有威出則有獲韓盧
 宋鵠名書竹帛純賦席曰席以冬設簟為夏施揖讓
 而坐君子攸宜異賦弩曰南嶽之幹鍾山之銅應機
 命中獲隼高墉三人各隨其目所見而賦之皆成而
 後坐據大歡悅

張儼文士傳 文選江文通別武李
 善注引張儼席賦席為冬設簟為夏

附錄

六 婦 媛 館 補 校

施與此異

張儼字子節吳人也弱冠知名歷顯位以博聞多識拜大鴻臚使于晉皓謂儼曰今南北通好以君為有出境之才故相屈行對曰皇皇者華蒙其榮耀無古人延譽之美磨厲鋒鏑思不辱命既至車騎將軍賈充尚書令裴秀侍中荀勗等欲傲以所不知而不能屈尚書僕射羊祜尚書何禎並結綰帶之好張勃吳錄寶鼎元年正月遣大鴻臚張儼五官中郎將丁忠弔祭晉文帝及還儼道病卒吳志三嗣主孫皓傳

裴氏新言一卷吳裴元撰元字彥黃下邳人官至太中大夫附見吳志嚴峻傳隋志雜家傳子下有裴氏新言五卷吳大鴻臚裴元撰與張儼默記劉歆新義張顯析言楊偉桑邱先生書並以爲梁有又云亡唐志復有裴元新言五卷今佚輯錄八節或稱裴氏新語或稱裴氏新書皆新言之訛也書記雜事中有一條論管仲奪伯氏駢邑三百吳志嚴峻傳謂又與裴元張承論管仲季路皆傳於世者佚說勵存至問子欽齊桓晉文夷惠四人優劣欽答所見與元相反覆

裴氏新言

一 卿媛館補校

各存文理則泯絕不可見已歷城馬國翰竹吾甫

裴氏新言

吳 裴元 撰

正旦藝文類聚作朝縣官殺羊懸其頭於門又磔雞以副太平

御覽之俗說以厭癘氣元以問河南伏君藝文類聚作任君御

覽一引伏君曰是月也御覽引有土氣上升草木萌

動羊齧百草雞啄五穀故殺之以助生氣虞世南北堂書鈔卷

一百五十五歐陽詢藝文類聚卷四太平御覽卷二十九二物助陽氣今人殺

羊雞自作不祥太平御覽卷九百二引去初年縣羊頭磔雞以求富余以問河南服君服

君曰是月草木萌羊能嚙草雞啄五穀二物助陽氣今人殺羊雞自作不祥案御覽後所引與前

裴氏新言

一 鄭煥謹補校

不同是所見本異後
二句各自為義據補

俗間有土公之神云土不可動元有五歲女孫卒得

病市卜云犯土元即依方治之病即愈後然知天下

有土神矣

太平御覽卷三十七

馮夷淮南子曰馮夷服夷石而水仙注曰馮夷河伯

也華陰潼鄉隄首人服夷石而水仙

文選張平子思元賦李善注引

太公金匱河伯姓馮各修裴氏新語謂為馮夷下引淮南云云

若薦其君將有所乞請中謝言臣誠惶誠恐頓首死

罪

文選羊叔子表注

五月五日集五綵繒謂之辟兵不解以問伏君伏君

曰青赤白黑謂之四面黃居中央名曰襲方綴之於

複以示婦人養蠶之功也傳聲者誤以辟兵

太平御覽卷八

百十四

管仲奪伯氏駢邑三百使之飯蔬食沒齒無怨言若

管氏取以營私則一邑不可奪也

太平御覽卷八百四十九

孝子欲親之食云我不食欲親之衣曰我不寒此漫

孝也

同上

虎豹無事行步者若將不勝其軀鷹在衆鳥之間若

睡寐然故積怒而後金剛生焉然則越之所以滅吳

用此道也

陸佃埤雅卷六
引裴氏新書

新義一卷吳劉廐撰吳志無廐傳字里皆無考據隋
書經籍志知為吳太子中庶子而已七錄雜家載新
義十八卷隋志云梁有又云亡唐志復以十八卷著
錄題作劉欣新義今其書佚從北堂書鈔藝文類聚
太平御覽所引得四節或作劉欽或作劉歆或同唐
志作劉欣皆誤當依隋志作劉廐也歷城馬國翰竹
吾甫

字里

新義

吳 劉廐 撰

聲音節諧故為之樂所以上舞飛雲之鳥下躍沈淵

之魚

虞世南北堂書鈔卷一百七引劉歛新義

夫交接者人道之本始紀綱之大要名由之成事由

之立

歐陽詢藝文類聚卷二十一引劉歛新義 太平御覽卷四百六引劉欣新義

交之於人也猶唇齒之相濟

才非交不用名非交不發身非交不立

並同上

秦子一卷吳秦菁撰菁於史傳無攷隋志雜家類載
秦子三卷云梁有又云亡唐志復以三卷著錄馬總
意林云二卷是唐時其書尙存也今佚楊慎丹鉛總
錄引二條與苻子同列云二子之姓名人罕知况見
其書乎馬總意林亦不載云云按意林五卷載有其
書凡五節升菴言不載者疎也茲卽據意林爲本復
從北堂書鈔藝文類聚太平御覽諸書輯得十餘節
佚說略備矣歷城馬國翰竹吾甫

秦子

吳秦菁撰

欲顯白于雪中馳光于日下不可得也

馬總意林卷五 歐陽詢

藝文類聚卷二 太平御覽卷十二 並引作今欲馳光日下顯白雪中

顧彥先難云有味如醪而不醉人其味如黍飲之則

醉何也秦子曰醉在小人不在君子吾欲錦中而紵

表不欲繡外而麻裏猶論者寧匱于辭不匱于理

林意

卷五 虞世南北堂書鈔卷一百四十五引云顧彥先曰有味如臠飲而不醉無味如茶飲而醒焉

醉人何用也

鄭媛館補校

遠難知者天近難知者人

意林卷五

因斧以得柯因柯以成用種一粟則千萬之粟滋種

一仁則衆行之美備矣

鍼雖小入水則沈毛雖大入水則浮性自然也

並同上

有千金之裘而無千金之布

北堂書鈔卷一百二十九 太平御覽卷六百

九十四引

秦菁子

今人知涉川必溺而忘酒醴之荒性

北堂書鈔卷一百四十八

秦子曰常問作人當如園圃之藍不異衆草染而後

朗然不如唐棣之華灼灼自顯

藝文類聚卷八十九 太平御覽卷九百九

十六引上四句作嘗聞仁人朗作彰 陸佃埤雅釋木引秦子曰作人當如常棣灼然光發

孔文舉爲北海相有遭父喪哭泣墓側色無憔悴文

舉殺之又有母病嗟思食新麥家無乃盜鄰熟麥而

進之文舉聞之特賞曰無有來討勿復盜也盜而不

罪者以爲勤於母飢哭而見殺者以爲形慈而心否

藝文類聚卷八十五 太平御覽卷三百六十二 引云文舉聞特賞之資而不罪者以爲勸養於母也哭而見殺者以爲哀而不實也餘並同又御覽卷八百三十八引云孔文舉爲北海相有人母病差思食新麥家無乃盜鄰熟而進之文舉聞特償之

一人執規十手自員一人吹簫長短皆應

太平御覽卷五百八

十一

五味者各稱一族之名合和一鼎名曰羹猶威重廉

平恩合而為信也

太平御覽卷八百六十一

智惠多則引血氣如燈火消暗膏炷大而朗朗則膏

消炷小而闇闇則息膏則久也

太平御覽卷八百七十

虎能雄猛不可以託麀鷹能飄擊不可以寄雛

太平御覽

卷九百六又卷九百二十六

踰枳棘之籬則有桂柱之患登椒樹之圃則有榮華

之芳

太平御覽卷九百五十九

食瓜者雖去蒂何以連其根

太平御覽卷九百七十八

玉壺必求其所以盛干將必求其所以斷

文選鮑明遠白頭吟

李善注

無盛之厄雖赤瓊碧璫無貴也不斷之劍雖含影承

光無取也

楊慎丹鉛總錄

古今訓

士乙力爲地

陸德明爾雅釋文

晉張顯撰

析言論一卷古今訓附晉張顯撰顯字里皆無考據
隋書經籍志知爲晉議郎所著析言古今訓二書隋
志併入雜家析言論二十卷云梁有又云亡古今訓
十一卷著於目唐志均不載佚已久矣茲從北堂書
鈔藝文類聚太平御覽輯得析言論四節爲卷又從
陸德明釋文得古今訓一條不能成卷附錄于後以
存一家之學云歷城馬國翰竹吾甫

析言論

晉 張顯 撰

謁者僕射季明清達有高才多識前代格言

虞世南北堂書

鈔卷六十
二引張顯

高辛氏初生自言其名其君民終無迷謬

太平御覽卷八十一

路史後紀卷九羅萃注

萬雀不及一鳳皇衆星不如一月明

歐陽詢藝文類聚卷九十二

太平御覽卷九百二十二

古諺云堯舜至聖身如脯腊桀紂無道肥膚三尺

太平御覽

御覽卷三百七十八引張顯析言又卷八十引作鄧析言諺作詩三作二並誤

時務論一卷晉楊偉撰偉於晉書無傳惟律歷志載其所造景初歷稱魏尚書郎楊偉三國魏志曹爽傳有偉語裴松之注引郭頌魏晉世語云偉字世英馮翊人隋志雜家有時務論十二卷僅云楊偉撰此上注梁有亡籍於桑邱先生書二卷題晉征南軍師楊偉蓋本魏臣後仕於晉故隋志題晉官號也唐志亦載時務論十二卷今佚惟北堂書鈔太平御覽引有三節並取史志注所載偉言附之其景初歷別纂入歷譜家桑邱遺書泯絕不可復覲矣歷城馬國翰竹

吾甫

時務論

晉 楊偉 撰

使鸞鳳振羽厲翼邈而高舉氣冲天而翔旦發丹穴

則幽都之木可夕而棲也

虛世南北堂書鈔穴部引楊偉時務論儂當作偉刊

誤本

轡策鞞繫之具設雖剛怒忿戾蹄齧之馬若是拘絆

繫口銜轡筆策必至則躡躡循軌

太平御覽卷三百五十九

夫吞八荒者不咀蟻蝨也

太平御覽卷九百五十一

時務論

一 鄭媛館補校

附考

正始五年爽乃西至長安大發卒六七萬人從駱谷
 入是時關中及氏羌轉輸不能供牛馬騾驢多死民
 夷號泣道路入谷行數百里賊因山爲固兵不得進
 爽參軍楊偉爲爽陳形勢宜急還不然將敗颺與偉
 爭與爽前偉曰颺勝將敗國家事可斬也爽不悅乃
 引軍還魏志曹爽傳

偉字世英馮翊人明帝治宮室偉諫曰今作宮至斬
 伐生民墓上松栢毀壞碑獸石柱辜及亡人傷孝子

寺務論

附考

二姬媛館補校

心不可為後世法則

郭頌魏晉世語裴松之三國志注

楊偉請六十日中疏密可知不待十年若不從法是校方員棄規矩考輕重背權衡課長短廢尺寸論是非違分理若不先定校歷之本法而懸聽棄法之末爭則孟軻所謂方寸之木可使高於岑樓者也今韓翊據劉洪術者知貴其術珍其法而棄其論背其術廢其言違其事是非必使洪奇妙之式不傳來世若知而違之於挾故而背師也若不知據之是為挾不知而罔知也校議未定會帝崩而寢至明帝景初元

年尚書郎楊偉造景初歷表上帝遂改正朔施行偉歷以建丑之月為正改其年三月為孟夏其孟仲季月雖與夏正不同至於郊祀蒐狩班宣時令皆以建寅為正

晉書律歷志中



